

RETNINGSLINER FOR BORGARLEG VIGSEL I ALVER KOMMUNE

1. Innleiing

Alver kommune gir tilbod om borgarleg vigsel som ein del av servicetilbodet til innbygarane. Tilbodet kan variere noko frå kommune til kommune. Felles for alle er dei rammene regelverket stiller til kven som har vigselkompetanse og vilkåra for å kunne gjennomføre ein vigsel.

Formålet med retningslina er å bevisstgjere kommunen både med omsyn til tanken bak servicetilbodet, samt vere instruks for vigseloppgåva. Retningslina er meint til internt bruk.

2. Kven har vigselkompetanse i Alver kommune?

I medhald av «Lov om endring i ekteskapslova og bustøttelova m.m. (oppgåveoverføring til kommunane)» av 16. juni 2017, paragraf 12 punkt b, gjev kommunestyret i Alver følgjande folkevalde og kommunalt tilsette vigselmyndede med verknad frå 01. januar 2020 Kommunestyret sak _____;

_____ kommunestyrerepresentant

Eirik Bouwer Utne kultursjef

Jarle Landås kommuneadvokat

Ordførar og varaordførar har etter lova vigselrett automatisk.

Vigselmyndede gjeld til den folkevald trer ut av kommunestyret eller den kommunalt tilsette avslutter sitt arbeidsforhold i Alver kommune. Vigselmyndede vil då automatisk opphøre.

3. Kor kan vigsling gjennomførast?

Som hovudregel vert vigsel gjennomført i lokalar på Rådhuset i Knarvik og på Frekhaug eller Tingstova på Manger. Ein kan og nytta andre stader i Alver. Alver kommune vil så langt som råd prøve å etterkome brudepar sine ønskje om vigselstad. Om det førar med seg ekstraordinære kostnader/planlegging, må brudeparet sjølv stå for organisering og meirkostnader.

4. Prøving av ekteskapsvilkåra

Prøving av ekteskapsvilkåra vert sette i verk av folkeregisteret, jf. ekteskapslova § 6.

5. Vigsel hos Alver kommune

5.1. Før endeleg avtale om tidspunkt for vigsel vert inngått, bør følgjande vere på plass:

5.1.1. Brudeparet må legge fram **prøvingsattest** utstedt av folkeregisteret der brudeparet bur, og som ikkje må vere eldre ein fire månader, jf. ekteskapslova § 10 første ledd.

5.1.2. Der brudeparet, eller ein av dei som ønskjer å inngå ekteskap, har bustadadresse i eit anna nordisk land, skal prøvingsattest hentast inn frå heimlandet og sendast folkeregisteret der prøvinga av ekteskapsvilkåra skal finne stad.

Der brudeparet, eller ein av dei som ønskjer å inngå ekteskap har fast bustad utanfor Norden, skal prøvingsattest sendast frå heimlandet til Skatt Nord Hammerfest, Personregisteret, N-9613 Hammerfest.

5.1.3. Brudeparet skal **legitimere** seg for vigslar før vigsel vert gjennomført. Hugs at gyldig legitimasjon utelukkande er pass, norsk førarkort og norsk bankkort (med bilde), jf. lov om notarius publicus § 2 siste ledd jf. forskrift om notarius publicus § 8. Det vert like fullt akseptert at gyldig legitimasjon i original er vist fram for politiet/lensmann og at det ligg føre stadfesting for rett kopi. Asylsøkjerbevis er **ikkje** gyldig legitimasjon. Vidare er det viktig å merke seg at folkeregisteret har

andre regler til krav om legitimasjon for utferding av prøvingsattest, enn lovens krav til legitimasjon for vigsel hos kommunane.

5.1.4. Når det gjeld personar med utanlandsk pass, er det særskilt viktig å vere på vakt mot forfalskingar, til døme namn, fødselsdato m.m. Ta om nødvendig kontakt med folkeregisteret og eller framandpolitiet for å undersøke gyldigheit av legitimasjon. Det har kome fram falske pass og dette vil politiet kunne avdekke.

5.1.5. Det vert anbefalt å krevje framlagt legitimasjon i original allereie før endeleg avtale om tidspunkt for vigsel vert inngått. Det bør då takast kopi av legitimasjonen som leggast saman med dokumenta. Man unngår då å måtte avvise brudeparet før vigselsseremonien startar, fordi gyldig legitimasjon ikkje kan leggast fram.

5.1.6. Avklar behov for **tolk**. Brudeparet sørgjer for at tolk blir bestilt og kostar dette sjølve. Tolk skal godkjennast av Alver kommune. Namn på tolk må sendast inn snarast til Alver kommune. Av omsyn til tolkearbeidet, vert det tilrådd å sende vigselsritualet til tolk i forkant av vigsel.

5.1.7. Om **vigsel vert gjennomført på eit anna språk enn norsk** og ein av partane har norsk som hovudspråk, bør det vurderast om det er behov for at vedkommande før vigsel får utdelt kopi av vigselsritualet på norsk. (Typisk døme er at vigsel går føre på engelsk av omsyn til den eine part og den norske part har avgrensa kunnskap i engelsk).

5.1.8. Informer brudeparet om ramma for seremonien og avklar om det er spesielle ønskje og eller behov (t.d. musikk). Det vert tilrådd å ha ein bevisst haldning til tidsramma for seremonien og kva for innslag som vert akseptert. Avklar i forkant av seremonien om ringer skal setjast på i samband med seremonien. Ein kan opplyse brudeparet om at dei på www.Alver.kommune.no under «vigsel» finn opplysningar om vigselsritualet.

5.1.9. Brudeparet må få informasjon om at dei sjølv skal stille med to **vitnar** som skal vere eldre enn 18 år (som ikkje behøver å vere forlovar). Alver kommune kan midlertidig ved spesielle behov tilby å stille med vitnar, men dette må avtalast på førehand.

5.2. Sjølve vigsel

5.2.1. I forkant av vigsel, undersøk om det tidlegare er lagt fram legitimasjon i original, og om kopi ligger ved vigsels papira. Om ikkje original legitimasjon er lagt fram på eit tidlegare tidspunkt, må legitimasjon krevjast i original før vigsel vert gjennomført. Dersom slik legitimasjon ikkje kan synast fram, kan vigsel ikkje gjennomførast. I alle tilfelle må den som gjennomfører vigsel kontrollere at brudeparet er dei som er legitimert.

5.2.2. Det er ingen regler for kva for side brudeparet sitt. Det kan likevel vere greitt å ha nokon tankar om det i forkant av vigsel.

5.2.3. Gjennomgå vigselsritualet.

Det er utarbeid vigselsritual er fastsett ved kongeleg resolusjon av 5. desember 2008.

Vigsel teksten ligg føre på bokmål, nynorsk og engelsk.

5.2.4. Etter at vigsler har erklært brudeparet som rette ektefolk, skal vigselsboka underskrivast av brudeparet, vitnar og vigsler. Førebels vigselattest, i underskrevet stand, vert levert brudeparet og dei vert orientert om at original blir sendt per post frå folkeregisteret.

Kopi av prøveattest sendes Folkeregisteret innan 3 dagar etter vigsel. Saman med denne skal det sendes ein oversikt over godkjende vigslarar i Alver kommune.

5.2.5. Etter vigsel er gjennomført, er oppgåva avslutta.